

楹書隅錄

楹書隅錄卷二目錄

史部

宋本十八

元本六

明本一

校本四

鈔二

楹書隅錄卷二

聊城楊紹和彥合

史部

宋本史記一百三十卷三十冊六函

共計叁拾本辛丑年孟春重裝懷古堂識

泰興縣季振宜滄葦氏珍藏

均在卷末

此先公四經四史齋藏宋槧史記第一部也延令

書目著錄宋板史記三十本錢竹汀養新錄云予見

宋本史記黃薨圃藏蔡夢弼刊

此本無薨圃印記薨圃所注百宋一廬賦

並予獲見各書跋文均未及此當由竹翁誤記張月霄藏書志所稱錢求赤

藏本後歸季滄葦字畫精朗古香可愛蓋宋版中之

絕佳者皆卽此本

劉燕庭丈藏季滄葦彙集宋本史記亦有是刻二十六卷見錢警石

先生甘泉鄉人稿

按夢弼卽著草堂詩箋者固博雅之士宜

其校刊精善乃爾視俗賈陋版逕庭矣先公於辛

亥歲以三百八十金購之吳門原冊已損敝次年又

得一是刻殘帙命紹和互校以清晰者入之此本卷

中間有鈔葉乃梁溪顧柔嘉所錄

舊有題款在別紙

二百年

前名迹未便易去故仍其舊付工整治都爲六函與

淳熙辛丑耿秉本同爲什襲癸丑冬載歸陶南別業
辛酉春遭捻寇之亂全書毀裂壬戌計偕攜之都門
重事裝潢而旋途渡桑乾河舟覆落水洪濤汹涌瞬
息將逝亟爭救之幸未爲波臣攫去然解囊檢視已
浸痕過半今歲更加修飾始略還舊觀噫何茲書之
多阨耶顧離困者數而卒以獲全謂非在在處處有
神物護持耶世世其慎守之同治上元甲子小陽東
郡楊紹和識

趙世家一卷原以他刻配補王申夏仲從朱修伯宗

丞處假得明朱文石所藏蔡刊殘帙影錄易之彥合
又記

每半葉十二行行大二十一字小二十八字三皇本

紀後有建谿蔡夢弼傳卿親校刻梓於東塾時歲乾

道七月

藏書志云
當是年字

春王正上日書兩行補史記序六

國表秦楚之際月表漢興以來諸侯年表樂書厯書

後均有建安蔡夢弼傳卿謹案京蜀諸本校理置梓

於東塾兩行又目錄後有三峰樵隱蔡夢弼傳卿校

正一行又五帝本紀周本紀後均有建谿三峰蔡夢

弼傳卿親校謹刻梓於望道亭兩行又殷本紀後有
建谿三峰樵隱蔡夢弼傳卿親校刻梓於東塾兩行
又禮書後有建溪蔡夢弼校正刊於東塾一行卷首
末有趙宋本彭城錢興祖印季振宜印季振宜藏書
各印

宋本史記一百三十卷二十四冊四函

此本乃淳熙丙申廣漢張杅守桐川時用蜀小字本
重雕越二年趙山甫莅郡復取褚少孫所續別爲一
帙至八年辛丑澄江耿秉以覽者弗便始次其卷第
合而印之並是正譌脫一千九百九字錢曉徵詹事
養新錄云予所見史記宋槧本吳門顧抱冲所藏澄
江耿秉刊於廣德郡齋者紙墨最精善又所著三史
拾遺史記多據此本勘校並附刻介仲直之兩跋於
後固極以此本爲佳矣 先公平生深於史學尤愛

讀龍門之書嘗欲廣稽諸本訂其異同重爲刊正故
訪購宋元明以來善本頗多而藏於四經四史齋之
宋槧凡三此其第二也道光己酉以三百金得之吳
門每冊毛子晉季滄葦徐健菴印記纍纍延令書目
宋板中著錄史記二十四本者卽此卷中遇軒轅二
字輒缺筆錢詹事攷之李氏通鑑長編蓋遵大中祥
符七年六月禁內外文字不得斥用黃帝名號故事
其經典舊文不可避者闕之之詔也宋史真宗紀亦載禁斥黃帝名
號同治甲子三月上巳東郡楊紹和識

每半葉十二行行二十三字有毛晉祕篋審定真蹟
在在處處有神物護持戊戌子晉臣褒華伯毛褒華
伯白川書館朱墨通記孫育私印曲阿孫育南徐孫
育思和印章孫育之印孫思和圖籍篆孫育京山孫
育思和孫育思和父印揚州季氏振宜之印季振宜
讀書季振宜字誥兮號滄葦御史振宜之印康氏藏
書前岳吳氏家藏乾學徐健菴七峰道人開皇山下
人家碧山草堂北固山第一峰華陽顧仁效印筠生
趙宋本各印

元本史記一百三十卷三十二冊四函

錢曉徵詹事養新錄記所見史記舊槧一宋乾道蔡
傳卿本一宋淳熙耿直之本一元中統本云海甯吳
槎客藏計其時亦在南宋之季嘉興警石錢丈校史
記雜識中亦有中統本稱假自拜經樓蓋卽詹事所
見之本也予於吳本未得目驗錢校曾錄副藏之此
本首載中統二年校理董浦序與吳本同然核之錢
丈雜識殊歧異雜識謂猶避宋諱此本則否又每葉
末行外上角標題篇名此本亦無之至田敬仲世家

標題後齊世家尤錢丈所譏爲肌造者此本並不誤

且以校本勘對合者固十九而所謂譌者脫者

如五帝紀

登熊湘注益陽縣譌益縣耳夏本紀以出入五言女聽脫聽字之類不勝枚舉

此本多不計

不脫判然出於兩刻予按中統二年其時尙稱蒙古

迨至元八年十一月始改國號曰元董浦序中統上

署皇元二字自是後人追改必非段氏原刊之舊顧

追改者旣稱皇元則猶是元繙可知由是推之吳本

與此皆元代從段刊重雕之本故於雜識所云密行

細字大致略同特此本已補填宋諱校讐之功復加

審耳詹事直以吳本刊於中統時則非也予又藏有
明建陽尹覆本標題款式全經竄易望而知爲明人
陋版愈證此本的屬元槧無疑矣蔡耿兩本詹事所
見者俱歸予齋因並以此附之俾相鼎峙云彥合主
人記時甲子仲秋

每半葉十四行行二十五字有虞山景氏家藏徐氏
秋寶各印

